



МОНГОЛ УЛСЫН ХУУЛЬ

2017 оны 2 дугаар сарын 10-ны өдөр

Улаанбаатар хот

МОНГОЛ УЛСЫН ХӨГЖЛИЙН БАНКНЫ ТУХАЙ

/Шинэчилсэн найруулга/

НЭГДҮГЭЭР БҮЛЭГ НИЙТЛЭГ ҮНДЭСЛЭЛ

1 дүгээр зүйл. Хуулийн зорилт

1.1. Энэ хуулийн зорилт нь Монгол Улсын Хөгжлийн банк (цаашид "Хөгжлийн банк" гэх)-ны үйл ажиллагааны зарчим, удирдлага, зохион байгуулалтын эрх зүйн үндэс болон эрхлэх үйл ажиллагааны хүрээг тогтоож зохицуулахад оршино.

2 дугаар зүйл. Хөгжлийн банкны хууль тогтоомж

2.1. Хөгжлийн банкны хууль тогтоомж нь Монгол Улсын Үндсэн хууль, энэ хууль болон тэдгээртэй нийцүүлэн гаргасан бусад хууль тогтоомжоос бүрдэнэ.

2.2. Монгол Улсын олон улсын гэрээнд энэ хуульд зааснаас өөрөөр заасан бол олон улсын гэрээний заалтыг дагаж мөрдөнө.

3 дугаар зүйл. Хуулийн үйлчлэх хүрээ

3.1. Хөгжлийн банкны үйл ажиллагаатай холбогдсон харилцааг энэ хуулиар, энэ хуульд өөрөөр заагаагүй бол бусад харилцааг холбогдох хуулиар зохицуулна.

4 дүгээр зүйл. Хуулийн нэр томъёоны тодорхойлолт

/Энэ зүйлийг 2021 оны 12 дугаар сарын 17-ны өдрийн хуулиар хүчингүй болсонд тооцсон./

4.1. Энэ хуульд хэрэглэсэн дараахь нэр томъёог доор дурдсан утгаар ойлгоно:

4.1.1. "Монгол Улсын тогтвортой хөгжлийн үзэл баримтлал" гэж Хөгжлийн бодлого төлөвлөлтийн тухай хуулийн 4.1.7-д заасныг;

4.1.2. "дунд хугацааны хөгжлийн бодлого" гэж Хөгжлийн бодлого, төлөвлөлтийн тухай хуулийн 6.3, 6.4-т заасан баримт бичгийг.

5 дугаар зүйл. Хөгжлийн банкны эрх зүйн байдал

5.1. Хөгжлийн банк нь экспортын орлогыг нэмэгдүүлэх, импортыг орлох үйлдвэрлэл, үйлчилгээг хөгжүүлэхэд шаардлагатай хөрөнгийн эх үүсвэрийг бүрдүүлж, өрсөлдөх чадвартай экспортын бүтээгдэхүүн, үйлчилгээг олон улсын зах зээлд шинээр нэвтрүүлэн төрөлжүүлэх, үндэсний эдийн засгийн тогтвортой өсөлтийг хангах тэргүүлэх салбаруудад хэрэгжих төсөл, хөтөлбөрийг санхүүжүүлэх, ногоон эдийн засгийг дэмжих зорилготой, энэ хуулийн 8.1-д заасан үйл ажиллагааг эрхлэх чиг үүрэг бүхий төрөлжсөн банк буюу ашгийн төлөө хуулийн этгээд байна.

/Энэ хэсэгт 2024 оны 03 дугаар сарын ..-ны өдрийн хуулиар өөрчлөлт оруулсан./

5.2. Хөгжлийн банкныг байгуулах, өөрчлөн байгуулах, татан буулгах шийдвэрийг Засгийн газар гаргана.

6 дугаар зүйл. Хөгжлийн банкны өөрийн хөрөнгө

6.1. Хөгжлийн банкны хувь нийлүүлсэн хөрөнгө нь хувьцаа эзэмшигчийн оруулсан хөрөнгөөс бүрдэх бөгөөд түүний хэмжээг хувьцаа эзэмшигч тогтооно.

6.2. Хөгжлийн банк нь тухайн жилийн цэвэр ашгаас хувь нийлүүлсэн хөрөнгийг нэмэгдүүлж, үлдэх хэсгээр алдагдлыг нөхөх зорилго бүхий нөөц сан байгуулна.

6.3. Хөгжлийн банкны алдагдлыг нөөц сангийн хөрөнгөөр нөхөх боломжгүй тохиолдолд нэмэлт хөрөнгө олгох эсэхийг хувьцаа эзэмшигч шийдвэрлэнэ.

6.4.Энэ хуулийн 6.2-т заасан санг бүрдүүлэх, түүнийг удирдах журмыг төлөөлөн удирдах зөвлөл батална.

7 дугаар зүйл. Хөгжлийн банкны баримтлах зарчим

7.1.Хөгжлийн банк нь үйл ажиллагаандаа компанийн сайн засаглалын дараахь зарчмыг баримтална:

7.1.1.ашигтай ажиллах;

7.1.2.үйл ажиллагаагаа тогтвортой явуулах;

7.1.3.хараат бус байх;

7.1.4.ил тод байх;

7.1.5.хариуцлагатай байх;

7.1.6.Хөгжлийн банкны үйл ажиллагаатай холбоотой шийдвэр нь хамтын удирдлагад үндэслэсэн байх;

7.1.7.хараат бус хөндлөнгийн хяналттай байх;

7.1.8.Улс төрөөс ангид байх;

[/Энэ заалтыг 2024 оны 03 дугаар сарын ...-ны өдрийн хуулиар нэмсэн./](#)

7.1.9.Хөгжлийн банк энэ хуульд заасан үйл ажиллагаа явуулахад аливаа зөвшөөрөл шаардахгүй.

[/Энэ заалтыг 2024 оны 03 дугаар сарын ...-ны өдрийн хуулиар нэмсэн./](#)

7.2.Энэ хуулийн 7.1-д заасан зарчмыг энэ хууль, түүнд нийцүүлэн баталсан дүрэм, журамд тусган хэрэгжүүлнэ.

ХОЁРДУГААР БҮЛЭГ ХӨГЖЛИЙН БАНКНЫ ҮЙЛ АЖИЛЛАГАА

8 дугаар зүйл. Хөгжлийн банкны үйл ажиллагааны хүрээ

8.1.Хөгжлийн банк дараахь үйл ажиллагаа эрхэлнэ:

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөн найруулсан./](#)

8.1.1.экспорт, импортын санхүүжилт олгох;

8.1.2.зээл авах, гадаад, дотоодын санхүүгийн байгууллагаас санхүүжилт авах;

8.1.3.эдийн засгийн өсөлт, экспортыг дэмжих, импортыг орлох, нэмүү өртөг шингэсэн бүтээгдэхүүн үйлдвэрлэхэд чиглэсэн төсөл, хөтөлбөрийг санхүүжүүлэх;

8.1.4.төлбөр тооцоо хийх;

8.1.5.баталгаа, батлан даалт гаргах;

8.1.6.үнэт цаас гаргах, санхүүгийн хэрэгсэл худалдах, худалдан авах, хадгалуулах;

8.1.7.валют худалдах, худалдан авах, хадгалах, хадгалуулах;

8.1.8.төсөл, хөтөлбөр хэрэгжүүлэхэд дэмжлэг үзүүлэх зорилгоор зөвлөх үйлчилгээ үзүүлэх;

8.1.9.компанийн хувьцаа эзэмших, хөрөнгө оруулалтын санд хөрөнгө оруулалт хийх;

8.1.10.төлбөрийн чадварыг сайжруулах, ашигт ажиллагааг нэмэгдүүлэх зорилгоор богино, дунд хугацаатай санхүүгийн эх үүсвэр татан төвлөрүүлэх;

8.1.11.тогтвортой, ногоон хөгжлийг дэмжсэн санхүүгийн бүтээгдэхүүнийг хөгжүүлж, нэвтрүүлэх.

8.2. Энэ хуулийн 8.1.1-т заасан үйл ажиллагаанд Хөгжлийн банкны нийт санхүүжилтийн дүнгийн 50-аас доошгүй хувийг зарцуулна.

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

8.3. Хөгжлийн банк нь иргэдийн мөнгөн хадгаламжийн үйл ажиллагаа явуулахыг хориглоно.

~~8.4. Хөгжлийн банк төр, хувийн хэвшлийн түншлэлийн төслийг санхүүжүүлэхийг хориглоно.~~

~~[/Энэ хэсгийг 2022 оны 12 дугаар сарын 09-ний өдрийн хуулиар нэмсэн бөгөөд 2024 оны 03 дугаар сарын 31-ний өдрөөс эхлэн дагаж мөрдөнө./](#)~~

[/Энэ хэсгийг 2024 оны 03 дугаар сарын ...-ны өдрийн хуулиар хүчингүй болсонд тооцсон./](#)

8.5. Хөгжлийн банкнаас энэ хуулийн 8.1.1, 8.1.3-т заасны дагуу санхүүжилтийн дээд хэмжээ нь төслийн нийт өртгийн 85 хувиас хэтрэхгүй байна.

[/Энэ хэсгийг 2024 оны 03 дугаар сарын ...-ны өдрийн хуулиар нэмсэн./](#)

8.6.Энэ хуулийн 8.1.9-д заасан үйл ажиллагаанаас бусад шийдвэрийг Хөгжлийн банкны гүйцэтгэх удирдлага гаргах ба шийдвэр гаргахтай холбоотой журмыг төлөөлөн удирдах зөвлөл батална.

[/Энэ хэсгийг 2024 оны 03 дугаар сарын ...-ны өдрийн хуулиар нэмсэн./](#)

8¹ дугаар зүйл. Экспорт, импортын санхүүжилт олгох

[/Энэ зүйлийг 2024 оны 03 дугаар сарын ...-ны өдрийн хуулиар нэмсэн./](#)

8¹.1.Хөгжлийн банкны экспорт, импортын санхүүжилт нь дараахь төрөлтэй байна. Үүнд:

8¹.1.1.экспортын зээл;

8¹.1.2.санхүүжилтийн шугам;

8¹.1.3.дамжуулан зээл;

8¹.1.4.аккредитив ;

8¹.1.5.баталгаа ;

8¹.1.6.бараа, үйлчилгээний төлбөр тооцоог шилжүүлэх, хүлээн авах;

8¹.1.7.хуулиар хориглоогүй бусад төрлийн экспорт, импортын үйл ажиллагаанд хамаарах худалдааны санхүүжилт.

8¹.2.Энэ хуулийн 8¹.1.-д заасан төрлийн санхүүжилтийг дараахь зорилгоор олгоно. Үүнд:

8¹.2.1. техник, технологи, түүхий эд, бараа бүтээгдэхүүн, үйлчилгээг экспортолж буй дотоодын хуулийн этгээдэд дэмжлэг үзүүлэх;

8¹.2.2. дотоодын хуулийн этгээдээс техник, технологи, түүхий эд, бараа бүтээгдэхүүн, үйлчилгээг худалдан авч буй гадаад улсын хуулийн этгээдэд дэмжлэг үзүүлэх;

8¹.2.3. дотоодын хуулийн этгээдийн хэрэгжүүлэх төсөл, хөтөлбөрт шаардлагатай бараа, техник, тоног төхөөрөмжийг импортоор худалдан авахад дэмжлэг үзүүлэх.

8¹.3.Хөгжлийн банкнаас экспорт, импортын санхүүжилтийн үйл ажиллагаанд тавигдах шаардлагыг Төлөөлөн удирдах зөвлөлөөс батална.

8¹.4.Хөгжлийн банк нь энэ хуулийн 25.1-д заасан үзүүлэлт, журам, 28 дугаар зүйлд заасан хязгаарлалтад нийцүүлэн дангаар болон бусад этгээдтэй хамтран гуравдагч этгээдэд энэ хуулийн 8¹.1.1-8¹.1.3-д заасан үйлчилгээг үзүүлж болно.

8¹.4.Экспорт, импортын санхүүжилт хийх төсөл, хөтөлбөр нь энэ хуулийн 10.1.3, 10.1.7-д заасан шаардлагыг хангасан байхыг шаардахгүй.

9 дүгээр зүйл. Зээл авах, гадаад, дотоодын санхүүгийн байгууллагаас санхүүжилт авах

9.1.Хөгжлийн банк нь хөрөнгийн эх үүсвэрийг нэмэгдүүлэх зорилгоор төлөөлөн удирдах зөвлөлөөс баталсан бизнес төлөвлөгөөнд нийцүүлэн төлөвлөгөөний дагуу, нэг удаагийн болон үе шаттай санхүүжилт авч болно.

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

10 дугаар зүйл. Төсөл, хөтөлбөрийг санхүүжүүлэх

10.1.Хөгжлийн банк дараах шаардлагыг хангасан төсөл, хөтөлбөрийг санхүүжүүлнэ:

10.1.1.Монгол Улсын урт болон дунд хугацааны хөгжлийн бодлогод нийцсэн байх;

[/Энэ заалтад 2021 оны 12 дугаар сарын 17-ны өдрийн хуулиар өөрчлөлт оруулсан./](#)

10.1.2.эдийн засгийн болон санхүүгийн үр ашигтай, зээлийг эргэн төлөх чадвартай байх;

10.1.3.техник, эдийн засгийн үндэслэлтэй байх;

[/Энэ заалтад 2024 оны 03 дугаар сарын ...-ны өдрийн хуулиар өөрчлөлт оруулсан./](#)

10.1.4.эдийн засгийн өсөлт, экспортыг дэмжих, импортыг орлох, нэмүү өртөг шингэсэн бүтээгдэхүүн үйлдвэрлэхэд чиглэсэн байх;

10.1.5.төслийн эрсдэлийн үнэлгээ, санхүүжилт авах үндэслэл, эдийн засаг, нийгмийн үр нөлөөг мэргэжлийн шинжилгээ, үнэлгээний аргачлал, шалгуурын дагуу тооцсон байх;

[/Энэ заалтад 2024 оны 03 дугаар сарын ...-ны өдрийн хуулиар өөрчлөлт оруулсан./](#)

10.1.6.энэ хуулийн 8.1.9-д зааснаас бусад санхүүжилт нь Засгийн газрын өрийн баталгаа, барьцаа, баталгаа, батлан даалт зэрэг үүргийн гүйцэтгэлийг хангах арга хэрэгслээр хангагдсан байх.

[/Энэ заалтад 2024 оны 03 дугаар сарын ...-ны өдрийн хуулиар өөрчлөлт оруулсан./](#)

10.1.7.байгаль орчны нөлөөллийн нарийвчилсан үнэлгээ, зураг төсөл, төсвийг төрийн эрх бүхий байгууллагаар батлуулсан байх;

[/Энэ заалтыг 2024 оны 03 дугаар сарын ...-ны өдрийн хуулиар нэмсэн./](#)

10.2.Хөгжлийн банк энэ хуулийн 10.1-д заасан шаардлага хангасан Монгол Улсын урт хугацааны хөгжлийн бодлогыг үр дүнтэй хэрэгжүүлэх суурь нөхцөлийг бүрдүүлэх төсөл, хөтөлбөрийг гадаад,

дотоодын банк, санхүүгийн байгууллага, төрийн болон хувийн хэвшлийн хөрөнгө оруулагчидтай хамтран санхүүжүүлж болно.

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

10.3. Энэ хуулийн 10.1.2, 10.1.3, 10.1.4, 10.1.5-д заасан шаардлага хангагдаж байгаа эсэхийг Хөгжлийн банкны гүйцэтгэх удирдлага тогтооно.

[/Энэ хэсгийг 2024 оны 03 дугаар сарын ...-ны өдрийн хуулиар өөрчлөн найруулсан./](#)

10.4. Энэ хуулийн 10.3-д зааснаас бусад нөхцөл, шаардлагыг холбогдох хууль, тогтоомжоор тодорхойлно.

[/Энэ хэсгийг 2024 оны 03 дугаар сарын ...-ны өдрийн хуулиар өөрчлөн найруулсан./](#)

10.5. Энэ хуулийн 10.2-т заасан хамтран санхүүжилт хийх журам, 10.5-д заасан шаардлагыг тогтоосон журмыг Төлөөлөн удирдах зөвлөл батална.

[/Энэ энэ хэсгийг 2024 оны 03 дугаар сарын ...-ны өдрийн хуулиар нэмсэн./](#)

11 дүгээр зүйл. Төлбөр тооцоо хийх

11.1.Хөгжлийн банкны төлбөр тооцооны үйл ажиллагааг Банк, эрх бүхий хуулийн этгээдийн мөнгөн хадгаламж, мөнгөн хөрөнгийн шилжүүлэг, зээлийн үйл ажиллагааны тухай хуульд заасны дагуу зохицуулна.

[/Энэ хэсгийг 2024 оны 03 дугаар сарын ...-ны өдрийн хуулиар өөрчлөн найруулсан./](#)

11.2.Төлбөр тооцооны үйлчилгээний хөлсийг Хөгжлийн банк тогтооно.

12 дугаар зүйл. Баталгаа, батлан даалт гаргах

12.1.Хөгжлийн банк нь энэ хуулийн 25.1-д заасан үзүүлэлт, журам, 28 дугаар зүйлд заасан хязгаарлалтад нийцүүлэн дангаар болон бусад этгээдтэй хамтран гуравдагч этгээдэд баталгаа, батлан даалт гаргаж болно.

12.2.Баталгаа, батлан даалтыг энэ хуулийн 10.1.2-10.1.5-д заасан шаардлагыг хангасан төсөл, хөтөлбөрт гаргаж болно.

13 дугаар зүйл. Үнэт цаас гаргах, санхүүгийн хэрэгсэл худалдах, худалдан авах, хадгалуулах

13.1. Хөгжлийн банк нь хөрөнгийн эх үүсвэрийг нэмэгдүүлэх зорилгоор төлөөлөн удирдах зөвлөлөөс баталсан бизнес төлөвлөгөөнд нийцүүлэн үнэт цаас гаргах, санхүүгийн хэрэгсэл худалдах, худалдан авах, хадгалуулж болно.

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

13.2.Хөгжлийн банкны санхүүгийн хэрэгсэл худалдах, худалдан авах, хадгалуулахтай холбогдсон харилцааг холбогдох хууль тогтоомжоор зохицуулна.

13.3. Хөгжлийн банкны дотоодын зах зээлд арилжсан төгрөгийн үнэт цаас нь хөрвөх чадвар, эрсдэлийн үнэлгээний хувьд Монгол улсын засгийн газрын үнэт цаастай ижил байна.

[/Энэ энэ хэсгийг 2024 оны 03 дугаар сарын ...-ны өдрийн хуулиар нэмсэн./](#)

14 дүгээр зүйл.Валют худалдах, худалдан авах, хадгалах, хадгалуулах

[/Энэ зүйлд 2024 оны 03 дугаар сарын ...-ны өдрийн хуулиар өөрчлөлт оруулсан./](#)

14.1.Хөгжлийн банкны валют худалдах, худалдан авах, хадгалах, хадгалуулахтай холбогдсон харилцааг холбогдох хууль тогтоомжоор зохицуулна.

15 дугаар зүйл. Компанийн хувьцаа эзэмших, хөрөнгө оруулалтын санд хөрөнгө оруулалт хийх

15.1.Компанийн хувьцаа эзэмших, хөрөнгө оруулалтын санд хөрөнгө байршуулах шийдвэрийг холбогдох хууль тогтоомжид нийцүүлэн Засгийн газар гаргана.

16 дугаар зүйл. Зөвлөх үйлчилгээ үзүүлэх

16.1.Хөгжлийн банк экспорт, импортын төсөл, хөтөлбөрийг хэрэгжүүлэх, бэлтгэл ажилд дэмжлэг үзүүлэх зорилгоор зөвлөх үйлчилгээ үзүүлж болно.

17 дугаар зүйл. Экспорт, импортын санхүүжилт хийх

17.1.Экспорт, импортын санхүүжилт хийх төсөл, хөтөлбөр нь энэ хуулийн 10.1-д заасан шаардлагыг хангасан байна. [/Энэ зүйлийг 2024 оны 03 дугаар сарын ...-ны өдрийн хуулиар хүчингүй болсонд тооцсон./](#)

ГУРАВДУГААР БҮЛЭГ ХӨГЖЛИЙН БАНКНЫ УДИРДЛАГА

18 дугаар зүйл. Хөгжлийн банкны удирдлага

18.1.Хөгжлийн банкны эрх барих дээд байгууллага нь хувьцаа эзэмшигчдийн хурал, түүний чөлөөт цагт төлөөлөн удирдах зөвлөл байна.

18.2.Хөгжлийн банкны хувьцаа эзэмшигч нь Засгийн газар, Хөгжлийн банканд хувь нийлүүлсэн бусад этгээд байна.

19 дүгээр зүйл. Төлөөлөн удирдах зөвлөл

19.1.Хөгжлийн банкны төлөөлөн удирдах зөвлөл есөн гишүүнтэй байх бөгөөд тэдгээрийн дөрөв нь хараат бус гишүүн байна.

19.2.Төлөөлөн удирдах зөвлөлийн гишүүнийг хувьцаа эзэмшигчид нээлттэй сонгон шалгаруулалтаар сонгон гурван жилийн хугацаагаар томилж, Компанийн тухай хуульд заасан үндэслэлээр чөлөөлнө. Төлөөлөн удирдах зөвлөлийн гишүүнийг нэг удаа улируулан томилж болно.

19.3.Төлөөлөн удирдах зөвлөлийн даргыг төлөөлөн удирдах зөвлөлийн гишүүдийн дийлэнх олонхын саналаар томилно.

19.4.Төлөөлөн удирдах зөвлөлийн гишүүдийн 50-аас дээш хувийг тухайн төсвийн жилийн хугацаанд өөрчлөхийг хориглоно.

19.5.Төлөөлөн удирдах зөвлөлийн дарга, гишүүн нь дараахь шалгуурыг хангасан байна:

19.5.1.зээл, батлан даалт, баталгааны гэрээгээр хүлээсэн хугацаа хэтэрсэн аливаа өргүй байх;

19.5.2.банк, санхүү, хууль, инженер, эдийн засгийн дээд боловсролтой, уг салбарт таваас доошгүй жил удирдах албан тушаалд ажилласан, мэргэжлийн дадлага туршлагатай байх;

19.5.3.ял шийтгэлгүй байх;

19.5.4.төрийн улс төрийн албан тушаал хашдаггүй байх, сүүлийн 5 жил төрийн улс төрийн албан тушаал эрхэлж байгаагүй;

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

19.5.5.эрх бүхий албан тушаалтнаар нь ажиллаж байсан хуулийн этгээд дампуурсан, төлбөрийн чадваргүй болсон нь тухайн этгээдээс аливаа хэлбэрээр шалтгаалаагүй болох нь нотлогдсон байх;

19.5.6.банкны салбарт мэргэжлийн үйл ажиллагаа эрхэлдэг бусад байгууллагын эрх бүхий албан тушаалтан бус байх;

19.5.7.зөрчлийн улмаас банк, банк бус санхүүгийн байгууллагын тусгай зөвшөөрөл хүчингүй болох үед эрх бүхий албан тушаалтнаар ажиллаж байсан бол тусгай зөвшөөрлийг хүчингүй болгосноос хойш гурван жил өнгөрсөн байх;

19.5.8.санхүүгийн зах зээлд мэргэжлийн үйл ажиллагаа эрхэлдэг байгууллагад эрх бүхий албан тушаалтнаар ажиллаж байх үедээ захиргааны хариуцлага хүлээсэн бол үүнээс хойш гурван жил өнгөрсөн байх.

19.6.Төлөөлөн удирдах зөвлөлийн хараат бус гишүүн нь энэ хуулийн 19.5, Компанийн тухай хуулийн 79.1-д зааснаас гадна дараахь шалгуурыг хангасан байна.

19.6.1.төрийн жинхэнэ албан тушаал хашдаггүй байх, сүүлийн таван жилд улс төрийн албан тушаал хашиж байгаагүй;

19.6.2.банкны эрх бүхий албан тушаалтан, түүний холбогдох этгээд бус байх;

19.6.3.банкны хувьцааны тав ба түүнээс дээш хувийг дангаар болон холбогдох этгээдийн хамт эзэмшдэггүй байх.

20 дугаар зүйл. Төлөөлөн удирдах зөвлөлийн бүрэн эрх

20.1.Төлөөлөн удирдах зөвлөл нь Компанийн тухай хуульд зааснаас гадна дараахь эрх, үүрэгтэй байна:

20.1.1. Хөгжлийн банкны дунд, урт хугацааны стратеги төлөвлөгөөг Монгол Улсын хөгжлийн бодлогод нийцүүлэн батлах;

[/Энэ заалтад 2024 оны 03 дугаар сарын ...-ны өдрийн хуулиар өөрчлөлт оруулсан./](#)

20.1.2.Хөгжлийн банкны тухайн жилийн бизнес төлөвлөгөө батлах;

20.1.3.үйл ажиллагааны үр дүнгийн үзүүлэлтийг батлах;

20.1.4.Хөгжлийн банкны гүйцэтгэх захирлыг сонгон шалгаруулах журам батлах, түүнтэй гэрээ байгуулах, дүгнэх;

20.1.5.Хөгжлийн банкны зохион байгуулалтын бүтэц, жилийн төсөв, орон тооны дээд хязгаарыг батлах;

20.1.6.Хөгжлийн банкны санхүүжилтийн, хөрөнгө оруулалтын, эрсдэлийн удирдлагын, хөрөнгийн удирдлагын бодлогыг батлах;

[/Энэ заалтад 2024 оны 03 дугаар сарын ...-ны өдрийн хуулиар өөрчлөлт оруулсан./](#)

20.1.7.энэ хуулийн 25.1-д заасан үзүүлэлт, журмын төсөлд санал хүргүүлэх;

20.1.8.хувьцаа эзэмшигчдийн хурлаар хэлэлцүүлэх асуудлын санал хүргүүлэх;

20.1.9.энэ хуулийн 26.1-д заасан журам, 29.1-д заасан хязгаарлалтыг мөрдөж ажиллах;

20.1.10.хувьцаа эзэмшигчид жил бүр ажлаа тайлагнах;

20.1.11.Хөгжлийн банкны жилийн үйл ажиллагааны болон санхүүгийн тайлан, түүнд хийсэн аудитын дүгнэлтийг хувьцаа эзэмшигчдийн хуралд оруулж хэлэлцүүлэх;

20.1.12.банкны дотоод аудитын нэгжийг гүйцэтгэх удирдлагаас хараат бусаар зохион байгуулж, түүний төсөв, орон тоог батлах, ажилтныг томилох, цалин, урамшууллын хэмжээг тогтоох;

20.1.13.аудитын байгууллагыг сонгох;

20.1.14. Хөгжлийн банкны авлига, ашиг сонирхлын зөрчлийн эсрэг бодлогыг боловсруулан баталж, хэрэгжилтийг хянах;

[/Энэ энэ заалтыг 2024 оны 03 дугаар сарын ...-ны өдрийн хуулиар нэмсэн./](#)

20.1.15. Хөгжлийн банканд хийсэн хяналт, шалгалтын дагуу илэрсэн зөрчил, дүгнэлт, зөвлөмжийн дагуу авч хэрэгжүүлсэн арга хэмжээ, түүний хэрэгжилтийг хувьцаа эзэмшигчид жил бүр тайлагнах.

[/Энэ энэ заалтыг 2024 оны 03 дугаар сарын ...-ны өдрийн хуулиар нэмсэн./](#)

20.2.Төлөөлөн удирдах зөвлөлийн эрх, үүрэгт Компанийн тухай хуулийн 76.1.2, 76.1.3-т заасан эрх, үүрэг хамаарахгүй.

20.3.Хөгжлийн банкны төлөөлөн удирдах зөвлөл улиралд нэгээс доошгүй удаа хуралдана.

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

20.4.Төлөөлөн удирдах зөвлөлийн гишүүдийн гуравны хоёроос доошгүй хувийн ирцтэйгээр хуралдааныг хуралдуулж, хуралдаанд оролцсон гишүүдийн дийлэнх олонхын саналаар асуудлыг шийдвэрлэнэ.

20.5.Төлөөлөн удирдах зөвлөлийн гишүүн нь төлөөлөн удирдах зөвлөлийн хуралдаанд гаргасан саналынхаа төлөө Компанийн тухай хуулийн 84.8, 84.9, 85 дугаар зүйлд заасны дагуу хариуцлага хүлээнэ.

20.6.Төлөөлөн удирдах зөвлөл үйл ажиллагааныхаа журмыг тогтооно.

20.7.Төлөөлөн удирдах зөвлөл нь Хөгжлийн банкны гүйцэтгэх захирлыг дор дурдсан тохиолдолд албан тушаалаас нь чөлөөлөх асуудлыг шийдвэрлэнэ:

[/Энэ хэсгийг 2024 оны 03 дугаар сарын ...-ны өдрийн хуулиар нэмсэн./](#)

20.7.1.хууль болон гэрээгээр хүлээсэн үүргээ зөрчсөн нь тогтоогдсон;

20.7.2.биеийн эрүүл мэндийн байдал болон хүндэтгэн үзэх бусад шалтгаанаар албан үүргээ цаашид гүйцэтгэх боломжгүй гэж үзэж, уг албан тушаалаас чөлөөлөгдөх хүсэлтийг өөрөө гаргасан;

20.7.3. гэмт хэрэг үйлдсэн болох нь шүүхийн хүчин төгөлдөр шийтгэх тогтоолоор тогтоогдсон.

21 дүгээр зүйл. Гүйцэтгэх удирдлага, түүний бүрэн эрх

21.1. Хөгжлийн банкны өдөр тутмын үйл ажиллагааг гүйцэтгэх удирдлага удирдан зохион байгуулна.

21.2.Төлөөлөн удирдах зөвлөлийн баталсан бүтэц, орон тооны хүрээнд Гүйцэтгэх удирдлагын багийн бүрэлдэхүүний бүтэц, орон тоог Гүйцэтгэх захирал тогтоох ба түүнийг Хөгжлийн банкны гүйцэтгэх захирал даргална.

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

21.3.Хөгжлийн банкны гүйцэтгэх захирлыг энэ хуулийн 20.1.4-т заасан журмын дагуу олон улсын нээлттэй сонгон шалгаруулалтаар сонгож, төлөөлөн удирдах зөвлөлөөс томилж, чөлөөлнө.

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

21.4.Хөгжлийн банкны гүйцэтгэх захирал, гүйцэтгэх удирдлагын багийн гишүүд нь дараахь шаардлагыг хангасан байна:

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

21.4.1.банк, санхүү, эдийн засгийн дээд боловсролтой, санхүүгийн салбарт удирдах албан тушаалд таваас доошгүй жил ажилласан, мэргэжлийн дадлага туршлагатай байх;

21.4.2.ял шийтгэлгүй, ёс зүй болон бизнесийн нэр хүнд нь банкныг удирдахад харшлахгүй байх;

~~21.4.3.төлөөлөн удирдах зөвлөлөөс тогтоосон бусад шаардлага.~~

[/Энэ заалтыг 2024 оны 03 дугаар сарын ...-ны өдрийн хуулиар хүчингүйд тооцсон./](#)

21.5.Гүйцэтгэх удирдлага Компанийн тухай хуульд зааснаас гадна дараах эрхийг хэрэгжүүлнэ:

21.5.1.хуульд төлөөлөн удирдах зөвлөл батлахаар зааснаас бусад Хөгжлийн банкны дотоод дүрэм, журам, заавар, аргачлал болон хүү, шимтгэлийн ерөнхий нөхцөлийг батлах;

21.5.2.санхүүгийн зах зээлд үйл ажиллагаа эрхлэх, төлбөр тооцоо гүйцэтгэхтэй холбоотой санхүү бүртгэл, мэдээлэл, удирдлага, зохион байгуулалтын асуудлаар шийдвэр гаргах;

21.5.3.Хөгжлийн банкны жилийн батлагдсан бизнес төлөвлөгөө, төсвийн дагуу үйл ажиллагааг зохион байгуулах, шийдвэр гаргах, гүйцэтгэлийг тайлагнах;

[/Энэ заалтад 2024 оны 03 дугаар сарын ...-ны өдрийн хуулиар өөрчлөлт оруулсан./](#)

21.5.4.шинэ бүтээгдэхүүн нэвтрүүлэх;

21.5.5.Хууль, дүрэм, гэрээгээр олгосон эрхийн хүрээнд Хөгжлийн банкныг төлөөлөх, гэрээ, хэлцэл байгуулах;

[/Энэ заалтад 2024 оны 03 дугаар сарын ...-ны өдрийн хуулиар өөрчлөлт оруулсан./](#)

21.5.6.хүний нөөцийн бодлого, цалингийн сүлжээ батлах, ажилтантай хөдөлмөрийн гэрээ байгуулах, цуцлах, түүнд олгох урамшуулал, хөнгөлөлт, тусламж, тэтгэмжийн хэмжээг тогтоох, сахилгын шийтгэл ногдуулах;

21.5.7.Хөгжлийн банкны нэрийн өмнөөс холбогдох мэдээ, тайланг харилцагчаас шаардан авах, тэдний тайлан тэнцэлтэй танилцах, шалгах, хууль тогтоомжийн дагуу хөрөнгийг барьцаалах, санхүүжилтийг түр зогсоох.

21.6.Гүйцэтгэх удирдлага дараахь үүрэг хүлээнэ:

21.6.1.Хөгжлийн банкны үйл ажиллагааны дунд, урт хугацааны стратеги, бизнес төлөвлөгөөг хэрэгжүүлэх;

21.6.2.энэ хуулийн 25.1-д заасан журам, 28.1-д заасан хязгаарлалтыг мөрдөж ажиллах;

21.6.3.санхүүгийн сахилга батыг сахиулах, Хөгжлийн банкны хэвийн үйл ажиллагааг хангуулах арга хэмжээ авч хэрэгжүүлэх;

21.6.4.банкны дотоод нэгжүүд болон хувьцааг нь эзэмшиж байгаа компанийн үйл ажиллагааны уялдааг хангах;

21.6.5.хөрөнгө оруулах төсөл, хөтөлбөрийн болон зээлийн шинжилгээ, үнэлгээ хийх зориулалтаар мэдээллийн сан бүрдүүлэх;

21.6.6.зээлийн болон дотоод хяналт, шалгалтын тогтолцоо бүрдүүлэх;

21.6.7.Хөгжлийн банкны өмнө хүлээсэн бусад этгээдийн үүргийг хангуулах арга хэмжээ авч хэрэгжүүлэх;

21.6.8.үйл ажиллагаатай холбоотой дүрэм, журам, зааврын хэрэгжилтийг хангах;

21.6.9.хөрөнгийн удирдлагыг хэрэгжүүлж, эх үүсвэрийн чөлөөт үлдэгдлийг Монгол Улсын Засгийн газрын үнэт цаас, Төв банкны үнэт цаасанд байршуулах, эсхүл харилцан мөнгө байршуулсан тохиолдолд арилжааны банкны үнэт цаасанд байршуулан үйл ажиллагааны эрсдэлийг бууруулах арга хэмжээ авч хэрэгжүүлэх;

[/Энэ заалтад 2024 оны 03 дугаар сарын ...-ны өдрийн хуулиар өөрчлөлт оруулсан./](#)

21.6.10.Хөгжлийн банкнаас санхүүжүүлсэн төсөл, хөтөлбөр, зээлийн талаархи мэдээллийг цаг тухайд нь гаргаж, тэдгээрийн үнэн зөв байдлыг хариуцах;

21.6.11.Хөгжлийн банкнаас санхүүжүүлсэн төсөл, хөтөлбөр, олгосон зээлийн хэмжээ, гаргасан үнэт цаас, түүний борлуулалтын хэмжээ, эх үүсвэр татан төвлөрүүлэлт, үр ашгийн байдал, цаашдын төлөв хандлагын талаар санал боловсруулан төлөөлөн удирдах зөвлөл болон хувьцаа эзэмшигчдийн хуралд танилцуулах;

21.6.12.Хөгжлийн банкны санхүү, төлбөрийн чадвар, нэр хүндийг дээшлүүлэхэд чиглэсэн бодлогыг хэрэгжүүлэх арга хэмжээ авах;

21.6.13.хувийн ашиг сонирхолтой нь холбогдсон асуудлыг хэлэлцэх, шийдвэрлэхэд оролцохгүй байх;

21.6.14.төлөөлөн удирдах зөвлөлийн өмнө ажлаа улирал бүр тайлагнах;

21.6.15.энэ хуулийн 8.1.7-д заасан болон Хөгжлийн банкнаас санхүүжүүлсэн төсөл, хөтөлбөрийг хэрэгжүүлэгч этгээдийн эрх бүхий албан тушаалтнаар томилогдохоос бусад тохиолдолд өөр байгууллагад ажил, албан тушаал хавсран эрхлэхгүй байх;

21.6.16.энэ хуулийн 30 дугаар зүйлд заасан Хөгжлийн банкны мэдээллийг нийтэд тайлагнах явцад хяналт тавих.

21.7.Хөгжлийн банкны гүйцэтгэх захирлыг 5 жилийн хугацаатай томилох бөгөөд 1 удаа улируулан томилж болно.

[/Энэ хэсгийг 2024 оны 03 дугаар сарын ...-ны өдрийн хуулиар нэмсэн./](#)

21.8.Хөгжлийн банкны гүйцэтгэх захирал нь гүйцэтгэх удирдлагын багийн гишүүдийг сонгон шалгаруулах, гэрээ байгуулах, томилох, чөлөөлөх асуудлыг шийдвэрлэнэ.

[/Энэ хэсгийг 2024 оны 03 дугаар сарын ...-ны өдрийн хуулиар нэмсэн./](#)

21.9.Гүйцэтгэх удирдлага багийн үйл ажиллагааны журмыг Төлөөлөн удирдах зөвлөлтэй зөвшилцсөний үндсэн дээр тогтооно.

[/Энэ хэсгийг 2024 оны 03 дугаар сарын ...-ны өдрийн хуулиар нэмсэн./](#)

ДӨРӨВДҮГЭЭР БҮЛЭГ

[/Энэ бүлгийг 2024 оны 03 дугаар сарын ...-ны өдрийн хуулиар нэмсэн/](#)

ХӨГЖЛИЙН БАНКНААС САНХҮҮЖИЛТ АВСАН ЭТГЭЭДИЙН ХАРИУЦЛАГА

21¹ дүгээр зүйл. Хөгжлийн банкнаас санхүүжилт, баталгаа, батлан даалт авсан этгээдийн хариуцлага

21^{1.1}. Хөгжлийн банкнаас авсан санхүүжилтийг зөвхөн зориулалтын дагуу ашиглана.

21^{1.2}. Хөгжлийн банкнаас санхүүжилт авсан этгээд нь байгууллагын үйл ажиллагааны тайлан, зардлын тайлан, Хөгжлийн банкнаас олгосон санхүүжилтийн зарцуулалтын тайлан, байгууллагын дансны хуулганы мэдээллийг гэрээгээр тохиролцсон хугацаанд, хөндлөнгийн аудитын байгууллагаар баталгаажсан тайланг жил бүр тус тус Хөгжлийн банканд хүргүүлнэ.

21^{1.3}. Хөгжлийн банкнаас санхүүжилт авсан этгээд нь энэ хуулийн 21^{1.2}-д заасан мэдээлэл болон Хөгжлийн банкны барьцаанд буй хөрөнгийн талаарх мэдээлэл, байршил, бүрэн бүтэн байдал, эзэмшил, ашиглалттай холбоотой мэдээллийг шаардсан тухай бүр Хөгжлийн банканд гаргаж өгнө.

21^{1.4}. Санхүүжилт, баталгаа батлан даалт авсан этгээдийн эзэмшил, өмчлөл, хөрөнгийн хэмжээнд өөрчлөлт орсон, орохоор удирдлагын шийдвэр гарсан тухай бүр Хөгжлийн банканд мэдээлнэ.

21^{1.5}. Хөгжлийн банкны барьцаанд байгаа хөрөнгө, түүнтэй холбоотой гуравдагч этгээдийн шаардах эрх үүссэн, иргэний шүүхээр хэрэг хянан шийдвэрлэх ажиллагаа, эрүүгийн хэрэг хянан шийдвэрлэх ажиллагаа, шүүхийн шийдвэр албадан гүйцэтгэх ажиллагаа, дампуурлын ажиллагаа үүссэн, зээлийн мэдээллийн санд зээлийн ангилал буурсан тухай бүр Хөгжлийн банканд мэдээлнэ.

21^{1.6}. Энэ зүйлийн 21^{1.2}-21^{1.5}-г зөрчсөн, мэдээ баримтыг хуурамчаар үйлдсэн, худал мэдүүлсэн нь санхүүжилтийн хөрөнгийг зориулалт бусаар ашигласан гэж үзэх үндэслэл болно.

21^{1.7}. Хөгжлийн банкны барьцаанд байгаа хөрөнгийн бүрэн бүтэн байдал ашиглалтыг шалгахаар Хөгжлийн банкнаас шаардсан тохиолдолд уг объектод Хөгжлийн банкны төлөөллийг саадгүй нэвтрүүлэх боломжоор хангана.

21² дүгээр зүйл. Хөгжлийн банкнаас авсан санхүүжилтийг хугацаандаа эргэн төлөөгүйн хариуцлага

21^{2.1}. Хөгжлийн банкнаас авсан санхүүжилтийн гэрээний хугацаа дууссан нь тухайн гэрээний үүргээ хугацаандаа биелүүлээгүй этгээдийг гэрээний хугацаа дууссанаас хойших гэрээнд заасан үндсэн хүү, нэмэгдүүлсэн хүү, алданги төлөх үүргээс чөлөөлөх үндэслэл болохгүй.

21^{2.2}. Хөгжлийн банкнаас санхүүжилт авсан этгээд нь санхүүжилтийг гэрээнд заасны дагуу төлөөгүй, зориулалтын дагуу ашиглаагүй эсхүл хууль, гэрээнд заасан үндэслэлээр Хөгжлийн банкны санаачилгаар гэрээг хугацаанаас өмнө цуцалсан бол, гэрээ цуцлагдсан өдрөөс хойш санхүүжилтийг бүрэн эргүүлэн төлөх хүртэлх хугацаанд төлөгдөөгүй үлдсэн үндсэн санхүүжилт болон түүнээс Төв банкны бодлогын хүү дээр 8 хувийн хүүг нэмсэн хувиар тооцсон нэхэмжлэлийн шаардлагын хүүг төлнө.

ТАВДУГААР БҮЛЭГ

[/Энэ бүлгийн дугаарт 2024 оны 03 дугаар сарын ...-ны өдрийн хуулиар өөрчлөлт оруулсан./](#)

ХӨГЖЛИЙН БАНКНЫ ТАЛААРХИ ТӨРИЙН БАЙГУУЛЛАГЫН БҮРЭН ЭРХ, ХАМТЫН АЖИЛЛАГАА

22 дугаар зүйл. Монгол Улсын Их Хурлын бүрэн эрх

22.1. Монгол Улсын Их Хурал Хөгжлийн банкны талаар дараахь бүрэн эрхийг хэрэгжүүлнэ:

22.1.1. Хөгжлийн банкныг өөрчлөн байгуулах, татан буулгах шийдвэртэй танилцах;

22.1.2. Хөгжлийн банкны санхүүгийн болон үйл ажиллагааны тайланд хийсэн аудитын тайлан, дүгнэлт, зөвлөмжтэй танилцах.

22.2. Улсын Их Хурал Хөгжлийн банкны эх үүсвэрээр санхүүжүүлэх төслийн жагсаалтыг тусгайлан батлахгүй.

23 дугаар зүйл. Засгийн газрын бүрэн эрх

23.1.Засгийн газар Хөгжлийн банкны талаар Компанийн тухай хуулийн 62.1-д заасан хувьцаа эзэмшигчийн бүрэн эрхээс гадна дараахь бүрэн эрхийг хэрэгжүүлнэ:

23.1.1.Хөгжлийн банкны буцаан худалдан авах нөхцөлтэй гаргасан урт хугацаат үнэт цаасыг худалдан авах, хөрөнгө оруулалт хийх;

23.1.2.Хөгжлийн банкны санхүүгийн тайлангийн талаархи аудитын дүгнэлтийг баталж, түүний үйл ажиллагаанд хийсэн дүгнэлтийн хамт Монгол Улсын Их Хуралд хүргүүлэх;

23.1.3.Хөгжлийн банкны санхүү, төлбөрийн чадварын хэвийн, тогтвортой байдлыг хангах цогц арга хэмжээ авах;

23.1.4.Хөгжлийн банкны дүрмийг батлах;

23.1.5.Хөгжлийн банкны хувь нийлүүлсэн хөрөнгийн бүтэц, хэмжээг өөрчлөх;

23.1.6.Хөгжлийн банкны үйл ажиллагаа нь холбогдох хууль тогтоомжид нийцэж байгаа эсэх талаар хоёр жил тутамд ээлжит хяналт, шалгалт хийх ба шаардлагатай тохиолдолд ээлжит бус хяналт, шалгалт хийх;

23.1.7.Хөгжлийн банкны төлөөлөн удирдах зөвлөлийн гишүүнийг сонгон шалгаруулах журмыг батлах;

23.1.8.Засгийн газраас Хөгжлийн банкинд баталгаа гаргаж болох ба уг харилцааг Өрийн удирдлагын тухай хуульд заасны дагуу зохицуулна.

23.1.9. Хөгжлийн банкны үйл ажиллагаанд хийсэн хөндлөнгийн хяналт, шалгалтын мөрөөр авч хэрэгжүүлсэн арга хэмжээ, хэрэгжилтийн дүгнэлт, тайланг Монгол Улсын Их Хуралд хүргүүлэх;

[/Энэ заалтыг 2024 оны 03 дугаар сарын ...-ны өдрийн хуулиар нэмсэн/](#)

23.2.Засгийн газар Хөгжлийн банкны эх үүсвэрээр санхүүжүүлэх төсөл, хөтөлбөрийг тусгайлан батлахгүй.

24 дүгээр зүйл. Санхүү, төсвийн асуудал эрхэлсэн төрийн захиргааны төв байгууллагын бүрэн эрх

24.1.Санхүү, төсвийн асуудал эрхэлсэн төрийн захиргааны төв байгууллага Хөгжлийн банкны талаар дараахь бүрэн эрхийг хэрэгжүүлнэ:

24.1.1.Хөгжлийн банкиг өөрчлөн байгуулах, татан буулгах талаар санал боловсруулж Засгийн газарт хүргүүлэх;

24.1.2.энэ хуулийн 5.1-д заасан чиг үүргийн хэрэгжилтийн хүрээнд шаардлагатай мэдээллийг Хөгжлийн банкнаас гаргуулан авах;

24.1.3.Хөгжлийн банкны санхүүгийн үйл ажиллагаатай холбоотой асуудлыг санхүү, төсвийн асуудал эрхэлсэн Засгийн газрын гишүүнээр дамжуулан Засгийн газарт хүргэх.

ЗУРГААДУГААР БҮЛЭГ

[/Энэ бүлгийн дугаарыг 2024 оны 03 дугаар сарын ...-ны өдрийн хуулиар өөрчлөлт оруулсан/](#)

ХӨГЖЛИЙН БАНКНЫ ХЯНАЛТЫН ТОГТОЛЦОО, ҮЙЛ АЖИЛЛАГААНЫ ХЯЗГААРЛАЛТ

25 дугаар зүйл. Хөгжлийн банканд тавих хяналт

25.1.Хөгжлийн банкны зохистой харьцааны шалгуур үзүүлэлтийг тогтоох, түүнд хяналт тавих журам, активыг ангилах, активын эрсдэлийн сан байгуулах, зарцуулах журмыг санхүү төсвийн асуудал эрхэлсэн Засгийн газрын гишүүний саналыг харгалзан Монголбанк батална.

25.2.Энэ хуулийн 25.1-д заасан журам, 28.1-д заасан хязгаарлалтыг Хөгжлийн банк хэрхэн мөрдөж байгаад Монголбанк хяналт тавьж, шалгалт хийнэ.

25.3.Засгийн газар энэ хуулийн 23.1.6-д заасны дагуу хяналт, шалгалт хийнэ.

25.4.Энэ хуулийн 25.3-т заасан хяналт, шалгалт хийх журмыг Засгийн газар батална.

26 дугаар зүйл. Хөгжлийн банкны дотоод аудит

26.1.Хөгжлийн банк нь төлөөлөн удирдах зөвлөлийн шууд удирдлагад үйл ажиллагаа явуулах дотоод аудитын нэгжтэй байна.

26.2.Хөгжлийн банкны дотоод аудитын нэгж нь төлөөлөн удирдах зөвлөлөөс баталсан банкны бодлого, төлөвлөгөө, төсөв болон бусад шийдвэрийн хэрэгжилт, дотоод хяналтын үйл ажиллагаанд аудит хийж, зөвлөмж өгөх чиг үүргийг хэрэгжүүлнэ.

26.3.Дотоод аудитын нэгжийн үйл ажиллагааны журмыг төлөөлөн удирдах зөвлөл батална.

27 дугаар зүйл. Хөгжлийн банкнаас санхүүжүүлсэн төсөл, хөтөлбөрийн хэрэгжилтэд тавих хяналт

27.1.Хөгжлийн банк хянан шалгагчтай байх бөгөөд хянан шалгагч нь энэ хууль болон гэрээний дагуу тус банкны эх үүсвэрийг ашиглаж байгаа төсөл, хөтөлбөр хэрэгжүүлэгчийн үйл ажиллагаанд хяналт тавьж, шалгалт хийнэ.

27.2.Хянан шалгагч дараахь эрхтэй байна:

27.2.1.төсөл, хөтөлбөр хэрэгжүүлэгчийн данс бүртгэл, тайлан тэнцэл, санхүүгийн баримтад хяналт шалгалт хийх, тайлбар, лавлагаа болон шаардлагатай бусад материалыг гаргуулан авах;

27.2.2.төсөл, хөтөлбөрийн хэрэгжилттэй танилцаж явцын тайлан, холбогдох саналаа Хөгжлийн банкны удирдлагад танилцуулах;

27.2.3.хяналт шалгалтын явцад илрүүлсэн зөрчлийг холбогдох эрх бүхий улсын байцаагчид тавьж шийдвэрлүүлэх.

27.3.Хянан шалгагчийн бүрэн эрхийн хугацаа, эрх, үүргийг энэ хуульд нийцүүлэн Хөгжлийн банкны дүрмээр тогтооно.

28 дугаар зүйл. Хөгжлийн банкны үйл ажиллагаанд тавих хязгаарлалт

28.1. Хөгжлийн банкны үйл ажиллагаанд дараахь хязгаарлалт тавигдана:

28.1.1. зээл, баталгаа, зээлтэй адилтгах актив хөрөнгийн нийт дүн нь өөрийн хөрөнгийг 30 дахин нэмэгдүүлснээс хэтрэхгүй бөгөөд түүний хэмжээг Монголбанк тогтооно.

28.1.2. Монголбанк нь том зээлдэгчийг тодорхойлох, түүнд олгох зээлийн дээд хэмжээ болон нийт хэмжээг тогтоох, тайлагнах журмыг батална. Нэг зээлдэгч болон түүнд холбогдох этгээдэд олгох зээлийн нийт хэмжээ нь Хөгжлийн банкны өөрийн хөрөнгийг 8 дахин нэмэгдүүлсэн хэмжээнээс хэтрэхгүй байна.

28.1.3. Энэ хуулийн 8 дугаар зүйлийн 8.1-д заасан үйл ажиллагааг эрхлэхдээ дахин санхүүжилтийн зориулалтаар аливаа зээл, санхүүжилт олгохыг хориглоно.

ДОЛДУГААР БҮЛЭГ

/Энэ бүлгийн дугаарыг 2024 оны 03 дугаар сарын ...-ны өдрийн хуулиар өөрчлөлт оруулсан/

САНХҮҮГИЙН ТАЙЛАГНАЛ, ИЛ ТОД БАЙДАЛ

29 дүгээр зүйл. Санхүүгийн тайлагнал

29.1.Хөгжлийн банкны санхүүгийн тайланд төлөөлөн удирдах зөвлөлийн шийдвэрээр сонгосон олон улсын нэр хүнд бүхий аудитын байгууллагаар жил бүр аудит хийлгэж, дүгнэлтийг жилийн эцсийн санхүүгийн тайлангийн хамт төлөөлөн удирдах зөвлөлөөс Монголбанк, Засгийн газарт хүргүүлнэ.

29.2.Санхүүгийн тайлангийн үнэн зөвийг Хөгжлийн банкны гүйцэтгэх удирдлага хариуцна.

29.3.Хөгжлийн банк нь холбогдох тайлан, мэдээллийг Монголбанк, санхүү, төсвийн асуудал эрхэлсэн төрийн захиргааны төв байгууллагад хүргүүлнэ.

29.4.Энэ хуулийн 29.3-т заасан тайлан, мэдээлэл гаргах журам, загвар, маягыг Монголбанк, санхүү, төсвийн асуудал эрхэлсэн Засгийн газрын гишүүн хамтран батална.

30 дугаар зүйл. Ил тод байдал

30.1.Хөгжлийн банкны жилийн эцсийн аудит хийсэн санхүүгийн тайланг хэвлэл мэдээллийн хэрэгслээр нийтэд мэдээлнэ.

30.2.Хөгжлийн банк шаардлагатай мэдээллийг хуульд заасны дагуу гаргаж өгнө.

30.3.Татварын алба хуульд заасан чиг үүргээ хэрэгжүүлэхтэй холбогдуулан шаардсан мэдээллийг гаргаж өгнө.

[/Энэ хэсгийг 2019 оны 03 дугаар сарын 22-ны өдрийн хуулиар нэмсэн./](#)

30.4.Хөгжлийн банкнаас санхүүжүүлсэн төсөл, хөтөлбөр, түүний хэрэгжилт, гүйцэтгэлийн явц, судлагдаж буй төслийн талаар хуулиар хамгаалагдсанаас бусад мэдээллийг өөрийн цахим хуудсаар дамжуулан тогтмол мэдээлнэ.

[/Энэ заалтыг 2024 оны 03 дугаар сарын ...-ны өдрийн хуулиар нэмсэн/](#)

НАЙМДУГААР БҮЛЭГ

[/Энэ бүлгийн дугаарыг 2024 оны 03 дугаар сарын ...-ны өдрийн хуулиар өөрчлөлт оруулсан/](#)

БУСАД ЗҮЙЛ

31 дүгээр зүйл. Хууль тогтоомж зөрчигчид хүлээлгэх хариуцлага

31.1. Хөгжлийн банкны тухай хууль тогтоомж зөрчсөн нь эрүүгийн хариуцлага хүлээлгэхээргүй бол Зөрчлийн тухай хууль, Иргэний хууль, Төрийн албаны тухай хууль, Хөдөлмөрийн тухай хуульд заасны дагуу хариуцлага хүлээлгэнэ.

[/Энэ хэсэгт 2024 оны 03 дугаар сарын ...-ны өдрийн хуулиар өөрчлөлт оруулсан/](#)

31.2.Энэ хуулийн 21¹.1-ийг зөрчсөн этгээдэд Эрүүгийн хуульд заасан хариуцлага хүлээлгэнэ.

[/Энэ хэсгийг 2024 оны 03 дугаар сарын ...-ны өдрийн хуулиар нэмсэн/](#)

31.3.Энэ хуулийн 31¹.2, 31¹.2-ийг зөрчсөн этгээд төрийн албан хаагч бол энэ үйлдэл нь түүнийг албан тушаалаас чөлөөлөх үндэслэл болно.

[/Энэ заалтыг 2024 оны 03 дугаар сарын ...-ны өдрийн хуулиар нэмсэн/](#)

31.4.Энэ хуулийн 31.3-д заасан этгээд нь бусдаар дамжуулан тус үйлдлийг хийлгэсэн нь түүнийг хариуцлагаас чөлөөлөх үндэслэл болохгүй.

[/Энэ заалтыг 2024 оны 03 дугаар сарын ...-ны өдрийн хуулиар нэмсэн/](#)

~~31.1.1.энэ хуулийн 10.1-т заасныг зөрчсөн албан тушаалтныг хөдөлмөрийн хөлсний доод хэмжээг далан таваас нэг зуун тавь дахин нэмэгдүүлсэнтэй тэнцэх хэмжээний төгрөгөөр төргөх;~~

~~[/Энэ хэсгийг 2024 оны 03 дугаар сарын ...-ны өдрийн хуулиар хүчингүй болсонд тооцсон/](#)~~

~~31.1.2.энэ хуулийн 27 дугаар зүйлд заасан хяналт шалгалтад саад учруулсан бол иргэнийг хөдөлмөрийн хөлсний доод хэмжээг арван таваас дөч дахин нэмэгдүүлсэнтэй тэнцэх хэмжээний төгрөгөөр, аж ахуйн нэгж, байгууллагыг хөдөлмөрийн хөлсний доод хэмжээг далан таваас нэг зуун тавь дахин нэмэгдүүлсэнтэй тэнцэх хэмжээний төгрөгөөр төргөх;~~

~~[/Энэ хэсгийг 2024 оны 03 дугаар сарын ...-ны өдрийн хуулиар хүчингүй болсонд тооцсон/](#)~~

~~31.1.3.төлбөр тооцооны баримтыг нуун дарагдуулсан буюу гүйлгээг саатуулсан ажилтан, албан тушаалтныг хөдөлмөрийн хөлсний доод хэмжээг арваас дөч дахин нэмэгдүүлсэнтэй тэнцэх хэмжээний төгрөгөөр төргөх;~~

~~[/Энэ хэсгийг 2024 оны 03 дугаар сарын ...-ны өдрийн хуулиар хүчингүй болсонд тооцсон/](#)~~

~~31.1.4.тайлан тэнцэл, мэдээ баримтыг зохих хууль, журмын дагуу гаргаж өгөөгүй буюу энэ хуулийн 30 дугаар зүйлд заасны дагуу холбогдох байгууллагад хүргүүлээгүй, нийтэд мэдээлэх санхүүгийн тайланг хүндэтгэн үзэх шалтгаангүйгээр нийтэд мэдээлээгүй бол албан тушаалтныг хөдөлмөрийн хөлсний доод хэмжээг арваас далан тав дахин нэмэгдүүлсэнтэй тэнцэх хэмжээний төгрөгөөр төргөх;~~

~~[/Энэ хэсгийг 2024 оны 03 дугаар сарын ...-ны өдрийн хуулиар хүчингүй болсонд тооцсон/](#)~~

~~31.1.5.нийтлүүлсэн тайлан, мэдээлэлд хуурамч, худал, ташаа мэдээлэл агуулагдсан бол уг тайлан, мэдээллийг баталгаажуулсан Гүйцэтгэх захирал, эрх бүхий бусад албан тушаалтныг тус бүр хөдөлмөрийн хөлсний доод хэмжээг далан таваас хоёр зуун хорин тав дахин нэмэгдүүлсэнтэй тэнцэх хэмжээний төгрөгөөр төргөх;~~

~~[/Энэ хэсгийг 2024 оны 03 дугаар сарын ...-ны өдрийн хуулиар хүчингүй болсонд тооцсон/](#)~~

~~31.1.6.энэ хуулийн 8.2-т заасныг зөрчсөн албан тушаалтныг хөдөлмөрийн хөлсний доод хэмжээг далан таваас нэг зуун тавь дахин нэмэгдүүлсэнтэй тэнцэх хэмжээний төгрөгөөр төргөх.~~

~~[/Энэ хэсгийг 2024 оны 03 дугаар сарын ...-ны өдрийн хуулиар хүчингүй болсонд тооцсон/](#)~~

31¹ дугаар зүйл. Хориглох үйл ажиллагаа

[/Энэ зүйлийг 2024 оны 03 дугаар сарын ...-ны өдрийн хуулиар нэмсэн/](#)

31¹.1.Хөгжлийн Банк, түүний харилцагч болон гуравдагч этгээд нууц гэж үзсэн аливаа мэдээллийг хууль тогтоомжид зааснаас бусад тохиолдолд бусдад гаргаж өгөх, задруулах, ашиглахыг Хөгжлийн банкны хувьцаа эзэмшигч, эрх бүхий албан тушаалтан, хянан шалгагч, ажилтанд хориглоно.

31¹.2. Хөгжлийн банкны Төлөөлөн удирдах зөвлөлийн дарга, гишүүн нь Гүйцэтгэх удирдлагын багтай Төлөөлөн удирдах зөвлөлийн хуралд оролцохоос бусад байдлаар уулзахдаа аливаа үүрэг даалгавар өгөх, харилцаа холбооны бусад хэрэгслээр дамжуулан харилцах, мөн Хөгжлийн банкны ажилтан, албан хаагчийг томилох, чөлөөлөх асуудлаар Гүйцэтгэх удирдлагад аливаа хэлбэрээр нөлөөлөхийг хориглоно.

31¹.3.Аливаа этгээд Хөгжлийн банкны эрх бүхий албан тушаалтан, хянан шалгагч, ажилтныг ажил, албан үүрэгтэй нь холбогдуулан хууль, дүрэм, журам зөрчсөн шийдвэр гаргах, үйлдэл, эс үйлдэхүй хийхийг хүсэх, шаардах, албадах, сүрдүүлэх, заналхийлэхийг хориглоно.

31¹.4.Энэ хуулийн 10.5-д заасан журамд жилд нэгээс дээш удаа нэмэлт, өөрчлөлт оруулахыг хориглоно.

31¹.5.Энэ хуулийн 31¹.2, 31¹.3-д заасан үйлдлийг баримтжуулах, дуу, дүрсний бичлэг хийхэд аливаа этгээдээс зөвшөөрөл авах, урьдчилан мэдэгдсэн байхыг шаардахгүй.”

32 дугаар зүйл. Хүчин төгөлдөр болох

32.1.Энэ хуулийг 2017 оны 04 дүгээр сарын 01-ний өдрөөс эхлэн дагаж мөрдөнө.

МОНГОЛ УЛСЫН ИХ ХУРЛЫН ДАРГА М.ЭНХБОЛД